

曾紅極一時、來自馬來西亞的姊妹組合2R由黃婉君 (Rosanne) 與黃婉佩 (Race) 組成，2002年出道即奪新人獎，及後淡出娛樂圈各自擁有美滿家庭。姊姊 Rosanne 於2009年與混血牙醫老公結婚，育有一對兒子，她婚後不忘增值，獲家人全力支持闊別18年再戰樂壇！

採訪：記者 阿祖 攝影：萬霜靈

全家支持 誓做有價值媽咪 4字頭學舞 黃婉君再戰樂壇

Rosanne 接受本報專訪時表示：「我仲想做一个有價值嘅媽咪。」除了做親子KOL，更研發有機護膚品，去年又接韓星G-Dragon棒，成為韓國銷量第一防脫髮洗頭水亞洲區代言人，之後更激發她推出跳唱新歌《帥起來》。首次擔任監製、為自己製作歌曲的Rosanne說：「我作為女性尤其係媽媽，覺得唔係老咗就唔使學新事物，我都係踏入4字頭先學跳舞，之前疫情學咗一年多跳舞，當聽到人話你好弗，又識到好多新朋友，發覺人生變得更精彩同有活力。」

重入錄音室，Rosanne覺得與妹妹Race組2R時有很大分別：「以前我哋啱環球唱片，算係最細嘅嘍妹，同公司有張學友、張柏芝、李克勤、陳慧琳，嗰時大約每3個月出嘅歌只得20首，佢哋會揀晒最Hit

嘅歌，剩番啲『鏢尾』畀2R揀，有時啲歌唔係好鍾意都要揀。所以依家我做監製，可以做我想做嘅嘢，會有自己Style，少少偏韓風。」

老公歌癮更大

新歌推出後，勾起樂迷對2R的回憶，但仍未見MV面世，Rosanne解釋：「因為我學跳舞一年多，平日都係同一大班人跳，依家編排舞蹈進度唔會好快，體能上我可以應付，平日我有陪小朋友行山、游水，只係未習慣邊唱邊跳，記得舞步就忘記唱歌，所以好佩服跳唱歌手。」

相隔18年再唱歌，Rosanne表示再入錄音室沒有生疏感覺：「第一次2R入錄音室，拎住耳筒聽到自己入咪把聲，覺得好奧妙，同平時講嘢好唔同。今次再聽到自己把聲，感覺係我可以再唱歌，係屬於

我嘅Moment。」她坦言有歌癮，不過笑指老公歌癮更大：「其實今次我全家人都係監製，因為最初《帥起來》原曲係一首中慢板歌，但老公同團團聽完覺得唔夠Feel、唔夠勁，話我上台可以咁樣唱，咁先改成快歌。我老公本身鍾意聽歌亦鍾意唱歌，都有話我唱到佢要求嘅水準。就係老公鍾意唱歌，先會娶我嘛。」



黃婉君獲家人全力支持再闖樂壇。

黃婉君想做一個有價值的媽咪。



當年2R有人氣有顏值，紅極一時。

呂珊開騷推兩劇 陳山聰驚喜獻 Sing

呂珊一連兩場《珍音樂呂珊演唱會》前晚在灣仔伊館演出首場，闊別7年在港開騷的她，除了香港歌迷外，大批海外歌迷亦專程來港捧場。是晚呂珊邀得視帝陳山聰及粵劇大老信龍貫天任嘉賓，山聰甫出場與呂珊合唱《相愛很難》，他笑言很少在港演出，沒想過當年以歌手出道，最後有幸成為演員和視帝，隨後呂珊登台換裝，他獨自演繹張國榮的《追》。

騷後呂珊開心表示見到不少好友捧場：「好多美國、加拿大同馬來西亞嘅粉絲捧場，廣州嘅劇迷仲組團嚟香港睇足兩場。」談到邀請山聰做嘉賓，



呂珊和陳山聰合唱《相愛很難》。

她大爆與對方早年到海外登台的趣事：「可能我哋唱得太勁，唱吓突然停電，冇晒燈冇晒聲，我哋就索性清唱。」她坦言為了準備演唱會，錯過了兩套劇集。問到是否滿意今次演出？她給自己60分，因她要求很高，希望有更多進步空間。

王君馨探索獅城過年傳統

左起：何雁詩、許紹雄、許惠菁、王君馨與陳芷尤。

小齊家棟合作

成患難兄弟

賀歲片《臨時劫案》將於2月9日在港上映，主角之一的任賢齊表示得知與林家棟合作，即二話不說答應演出：「只要他出聲叫我做，任何事我都会幫手，因為他為電影付出很多。我最驚半夜接到他的電話，他會說『小齊我改了劇本，我們要怎樣改』。半夜三更，聽日又早班，到第二朝見到家棟寫好所有修改的對白、標註所有跟我討論，我本來好疲累，但又好興奮，覺得我們是患難兄弟，他做得真的很真實，拍戲時我們常走在一起，合作得很開心。」



HOY TV 賀年特備節目《龍騰灣區歡樂年 過好年》將於2月12日播出，首集由新加坡人陳芷尤帶王君馨、何雁詩一齊探索新加坡的過年傳統習俗，更專程拜會早年移居當地的許紹雄及女兒許惠菁，兩父女指香港與新加坡的過年氣氛大不同，原來新加坡沒有花市，許紹雄笑言：「可以行自己花園。」第2集何雁詩及王君馨則夥拍陳思圻去馬來西亞的唐人街「茨廠街」，介紹當地人常買的賀年飾物及傳統食品，亦教大家見到燈籠時，要抬頭看燈籠，寓意「鴻運當頭」。